

Ս. Ա. ՀԱՐՈՒԹՅՈՒՆՅԱՆ

ԱՆԳԼԻԱԿԱՆ ՏԻՐԱՊԵՏՈՒԹՅԱՆ ԱՄՐԱՊԵՏՈՒՄԸ ԵԳԻՊՏՈՍՈՒՄ
XIX Դ. 80-ԱԿԱՆ ԹԹ.

1882 թ. սեպտեմբերին բրիտանական զորքերը գրավեցին Եգիպտոսը։ Իր դիրքերն ամրապնդելու և անսահմանափակ տիրապետություն հաստատելու համար Անգլիային անհրաժեշտ էր հաղթահարել ձվրոպական տերությունների հակազդեցությունը, թուլացնել նրանց ներգործությունը և խափանել միջամտությունը Եգիպտոսի ներքին գործերին։ Անգլիացիների այս նպատակը հիմնավորված էր այն հանգամանքով, որ Եգիպտոսում դեռևս պահպանվում էր եվրոպական տերությունների համատեղ ազդեցությունը, որը արտահայտվում էր մի շարք միջազգային հաստատությունների գոյությամբ։

Ֆինանսական վերահսկողության հաստատումը և վարչակառավարման առանձին օղակների օտարերկրացիների ձեռքն անցնելը, այլ խոսքով՝ Եգիպտոսի եվրոպական տերությունների կիսաազադութի վերածումն սկսեց բրիտանական գրավումից շատ առաջ՝ Մոհամմեդ Սաիդի (1854—1863) և խղիվ Իսմայիլի (1863—1879) իշխանության տարիներին։ Արաբագետ Ն. Իվանովն իրավամբ գրել է, «Երկրում (Եգիպտոսում—Վ. Հ.) չկար արդյունաբերական մի ձեռնարկություն, մի բանկ կամ առևտրական խոշոր ֆիրմա, որ չվերահսկվեր օտարերկրացիների կողմից։ Նրանք էլ կոնցեսիաների կամ կապալների հիմամբ կառուցում էին երկաթուղիները, կամուրջներն ու նավահանգիստները։ Նրանց ձեռքին էին կոմունալ ծառայությունները, փոստ-հեռագրական կապի կազմակերպումը և այլն»¹։ 1876 թ. խղիվ Իսմայիլի կողմից Եգիպտոսը ֆինանսապես սնանկ հռչակումից հետո ստեղծվեց ինքնակապարտքի վարչությունը, որը վերահսկողություն հաստատեց եգիպտական կառավարության եկամուտների ու ծախսերի վրա և որին կառավարությունը վճարում էր պարտքերի տոկոսները։ Վարչության քրնիչ-կոմիսսարներ նշանակվեցին Անգլիայի, Ֆրանսիայի, Գերմանիայի,

Ռուսաստանի, Ավստրո-Հունգարիայի և Իտալիայի մշտական ներկայացուցիչները: Նույն թվին, Եվրոպական տերութւթյունների անցկացրած դատական բարեփոխման միջոցով, Եգիպտոսում հաստատվեցին միջազգային դատարաններ: Երկու տարի անց, Եգիպտական ֆինանսներն ստուգելու նպատակով, ստեղծվեց Միջազգային հանձնաժողով և հաստատվեց կապիտուլացիաների ռեժիմ:

Դրավման պահից Անգլիան բոլոր ձիգերն ի գործ դրեց նշանակալորելու, իսկ հետագայում լրիվ լուծարել հնթարկելու Եգիպտոսում պահանջվող միջազգային հաստատութւթյունները, որոնց միջոցով Եվրոպական տերութւթյունները կարող էին վերահսկել երկրում բրիտանական իշխանութւթյունների գործունեությունը: Այդ նպատակով Սենթ-Ջեյմսի կառավարութւթյունը, որպես արտակարգ լիազորներ, Եգիպտոս գործուղեց լորդ Նորտբրուկին, սըր Հենրի Դրումմոնդ-Վուֆին և էվելին Բերինգին (1892-ից լորդ Կրոմեր)՝ որպես դիվանագիտական գործակալ, ընդհանուր հյուպատոս և Եգիպտոսի փաստական կառավարիչ՝ 1883-ից ընդհուպ մինչև 1907 թ.:

1884-ին Նորտբրուկի առաքումը կապված էր Եգիպտոսում գոյութւթյուն ունեցող միջազգային դատարանների հթի ոչ ոչնչացման, ապա առնվազն նրանց բնույթը փոփոխելու և նրանցում ընդգրկված անգլիացի աստիճանավորների ազդեցութւթյունն ուժեղացնելու ծրագրի հետ:

Միջազգային կամ խառը դատարանները հաստատվել էին Կահիրեում, Ալեքսանդրիայում և ալ-Մանսուրեւմ, ըստ որում վերաքննիչ ատյանը գտնվում էր Ալեքսանդրիայում: Այդ դատարաններն էին լուծում քաղաքացիական բոլոր հայցերը, հթի կողմերից թեկուզ մեկը Եվրոպացի կամ էլ Միացյալ Նահանգների հպատակ էր: Ձանդես գալով իսկական գաճաճ մի թագավորութւթյուն² նրանք չէին հնթարկվում անգլիական իշխանութւթյուններին: Դատարանները վերածվել էին Եգիպտական պարտքերի տոկոսների նվազեցումը խափանող խոշընդոտի, այլ խոսքով՝ պարտքերի լիկվիդացման օրենքի անթերի օգտագործման երաշխիքի և խդիվի ստորագրած հրամանագրերի օրինականութւթյունն ընդունում էին այն դեպքում միայն, հթի դրանք կանխօրոք համաձայնեցված լինին վերոհիշյալ օրենքը մշակած տերութւթյունների ներկայացուցչների հետ: Միջազգային դատարանների հաստատման կանոնագրութւթյան հիմամբ վերաքննիչ ատյանը բաղկացած էր 4 Եգիպտացի և 7 օտարերկրացի անդամներից, ըստ որում դատավոր-

Ները նշանակվում էին և վրոպական տերութիւնների կողմից: Կանոնադրութիւնն ատլանին իրավունք էր վերապահում իր կազմը՝ անբավարար դառնելու դեպքում և գիւղատական կառավարութիւնից խնդրել ավելացնելու անդամների թիւը, միաժամանակ մատնանշելով այն անձնավորութիւններին, որոնց ինքն արժանավոր էր համարում³: Նորոտրուկը շանաց գործող կանոնադրութիւն միջ մտցնել այնպիսի փոփոխութիւններ, որոնք ալդ հաստատութիւնը կրկին իր անկողմնակալ և անկախ բնույթից: Այդ փոփոխութիւնները վերաբերում էին երկու կետերի. դատավորների ընտրութիւն, ու նշանակման կարգին և դատախազական վերահսկողութիւն հաստատմանը:

Առաջին կետով ենթադրվում էր հանձին Բերինգի փաստաբան անգլիացիների կողմից ներկայացվող եգիպտական կառավարութիւնն իրավունք շնորհել իր հայեցողութեամբ ընտրելու օտարերկրացի դատավորներին, առանց նրանց ազգային պատկանելութիւն հարցում որեւէ կաշկանդման ենթարկվելու: Միայն վերաքննիչ ատլանն էր, որ պահպանելու էր իր միջազգային հանգամանքը⁴: Եվ սակայն, այս ծրագրով դատարանները չէին կարող իրենց անկողմնակալութիւն բավարար երաշխիքները տալ, քանի որ նրա անդամները, նշանակվելով եգիպտական կառավարութիւն կողմից, վերջինից լրիվ կախվածութիւն մեջ էին ընկնում: Անգլիացիներն իրենց հերթին հնարավորութիւն էին ձեռք բերում իրենց դրածոներին մտցնել դատակազմի մեջ:

Երկրորդ դրույթով ենթադրվում էր դատախազական վերահսկողութիւն ու իր պաշտոնատան դատական պրիստավների բաժանմունքն հանձնել արդարադատութիւն նախարարի անմիջական ղեկավարմանը: Այս կապակցութեամբ Կահիրեում ուսական գլխավոր հյուպատոսութիւն ներկայացուցիչ Ա. Կոյանդերը արտաքին գործերի մինիստր Ն. Կ. Գիրսին հասցեագրված իր զեկուցագրում գրում էր. «Օտարահպատակների շահերի տեսակետից ալդ փոփոխութիւններն անցանկալի են, քանի որ դատական պրիստավների անմիջականորեն մինիստրին ենթարկվելու դեպքում (ին)պես ներքեում կտեսնենք, արդարութիւն նախարարին որպես խորհրդական կցվում էր անգլիացի մի աստիճանավոր,—Ս. Հ.) դատարանները հնարավորութիւն պիտի չունենան հետեւելու իրենց վճիռների ճշգրիտ և անկողմնակալ գործադրմանը: Պետք է պահպանվի տերութիւններին վերապահված իրավունքը՝ դատախազի կողքին ունենալու իրենց ազգութիւնից մի տեղակալ, որպեսզի ապահովվի մեղադրող և հետաքննող իշխանութիւնների գործողութիւնների ճշտութիւնը՝ հատկապես եթե դատարաններին արտա-

սահմանյան հպատակների նկատմամբ քրեական իրավագործություն է տրվելու: Այնուամենայնիվ, առաջին խոշոր զիջումը կատարվեց վարչապետ Ռիսգի կողմից. անգլիական ներկայացուցիչը լոնդոն տարալ մինիստրության չորս կողմից մշակված նախագիծն այն փոփոխությունների, որոնք Մեծ Բրիտանիան կցանկանար մտցնել միջազգային դատարանների կազմակերպման մեջ: Ռիսգը մտադրվել էր լոնդոնի կողմից հաստատվելուց հետո միայն այդ նախագիծը ներկայացնել մյուս տեղությունների քննարկմանը, որոնք մասնակցություն էին բերել Եգիպտոսում միջազգային դատարանների հաստատմանը: Նշանակում է, որ միջազգային բնույթ ունեցող մի հարցում եգիպտացի մինիստրները լվարանեցին խոնարհվել անգլիացիների ցանկությունների առաջ և ընդգծել երկրում նրանց գերակշռությունը:

Այնուհետև անգլիացիները ճիգերն ուղղեցին տեղական դատարաններն իրենց ազդեցությանը ենթարկելու նպատակին, վերջինս լուրջ սպառնալիք ստեղծեց գոյություն ունեցող կապիտուլացիոն ռեժիմի և միջազգային դատարանների համար: Նրանք կարողացան հասնել այն բանին, որ տեղական դատակազմի մեջ նշանակվեցին երկու անգլիացիներ: Այս կապակցությամբ Ա. Կոյանդերը նշում է. «Անժանոթ լինելով՝ նապոլեոնի օրենսգրքին և նույնիսկ Եգիպտոսում վարվող արդարադատության սկզբունքներին, որոնք դրված էին տեղական ատյանների կազմակերպման հիմքում, նոր խորհրդականները հազիվ թե ի վիճակի լինեն ղեկավարելու իրենց ծառայակիցների գործունեությունը»:

1889 թ. ապահովելով երկու անգլիացիների նշանակումը տեղական վերաքննիչ ատյանի կազմում, բրիտանական կառավարությունը 1890 թ. պնդեց նաև իր մի երրորդ հպատակի նշանակման վրա: Նույն թվին անգլիական կառավարությանը հաջողվեց նաև արդարադատության նախարարությունում որպես ժամանակավոր խորհրդական նշանակել Ջոն Սքոթին, որը Հնդկաստանում վարել էր միանձնյա վերաքննիչ դատավորի պաշտոնը: Այնքան, որքան Եգիպտոսում գործող դատավարման կարգը քիչ ծանոթ էր անգլիական իրավագետներին և միաժամանակ զգալի խոչընդոտ էր օտարերկրյա մրցակիցների միջամտությունները խափանելու ճանապարհին Սքոթի նման փորձառու իրավաբանի նշանակումը դոսևորումն էր անգլիացիների ցանկության՝ եգիպտական դատարանները իրենց գաղութներում գոյություն ունեցողների օրինակով հիմնական վերափոխության ենթարկել, հեռացնելով անգլիական օրենքներին և սովորություններին անգետ մյուս բոլոր օտարերկրացիներին:

Սքոթն իր պաշտոնավարման առաջին իսկ օրից արդարադատական պաշտոնատան իսկական տներն ու տիրակալը դարձավ, քանի որ Լեգիսլատիվային միջնորդության գլխին ձևականորեն կանգնած մարդիկ ո՛չ բավականաչափ գիտելիք, ո՛չ էլ կամք և ընդունակություն ունեին իրենց կարծիքն ու տեսակետը անցկացնելու և պայքարելու անգլիացիների ամենադոր ազդեցության դեմ: Մի տարի անց Սենթ-Ջեյմսի կառավարությունը պահանջեց Սքոթին նշանակել Եգիպտոսի արդարադատության միջնորդությանը կից արդեն մշտական խորհրդական⁹: Այդօրինակ պահանջներն սկզբում տեղական կառավարական շրջաններում խիստ, հաճախ ոչ անկեղծ դժգոհանք առաջ բերեցին: Ռիազը հայտարարեց, որ ավելի շուտ հրաժարական կտա, քան թե կստորագրի նման նշանակման հրամանագիրը ու նույնիսկ մերժեց ընդունել բացատրվելու համար իր պաշտոնատանը հայտնված Սքոթին¹⁰: Սակայն այդպիսի վերաբերմունքը չշփոթեցրեց Բերինգին: Շրջանցելով այդ հակառակամտությունը, նա միևնույն պահանջով դիմեց խղիվին: Մեհմետ-Թաուֆիքն ըստ իր սովորության հնթարկվեց գլխավոր հյուպատոսի կարգադրությանը: Հրամանագիրն ստորագրվեց 1891 թ. փետրվարի 3-ին և «ալ-Վակաի ալ Մըսրիյա» պաշտոնաթերթում հրապարակվեց միևնույն օրը: Հետո, որը Սկոթի նախագահության ներքո հաստատում էր նախագատ ատյանների գործունեությունը վերահսկող, մի մարմին՝ անդամակցությունաբ տեղական դատարաններին կից բելգիացի գլխավոր դատախազի, ներքին գործերի միևնույն օրվա իտալացի իրավախորհրդատուի և վերոհիշյալ անձնավորությունների կողմից ընտրվելիք դատախազության երկու անդամների¹¹: Այդ կոմիտեի կազմում չընդգրկվեց արդարադատության միևնույն օրվա իտալացի իրավախորհրդատուն: Վերջինիս բացորոշապես զանցառումը ընդունված որոշման դեմ հասկանալիորեն առաջ բերեց Ֆրանսիական շրջանների դժգոհանքը: Ֆրանսիայի ներկայացուցիչը դը Օբինյին հայտարարեց, որ իր կառավարությունը բողոքում է հօգուտ մի այլ տերության ֆրանսիական իրավունքների ոտնահարման դեմ, ըստ որում միաժամանակ պահանջեց կանցնել խղիվի հրամանագրի գործողության մեջ դրվելը¹²: Խղիվը մերժեց Ֆրանսիայի բողոքը:

Բացի դրանից, արտաքին գործերի միևնույն օրվա փաշան ապրիլի 28-ին հրապարակեց № 365 շրջաբերական-հուշագիրը, որով կառավարությունը Եգիպտոսում եվրոպական բոլոր ներկայացուցչու-

թյուններից խնդրում էր միջնորդել իրենց ղեկավարների մոտ՝ հավանություն տալու հուշագրին կցված հրամանագրին, որը վերաբերում էր Ալեքսանդրիայի վերաքննիչ խառը ատյանի կազմում 5, 8 կամ 9 անգլիացիների հաստիքային անգամ նշանակելուն և խառը դատարանների շրջանակներում անգլիերենը դատավարման լեզու հայտարարելուն¹³։

Սբոթի Եգիպտոս հրավիրման պահից խզիվի կամ նրա մինիստրների կողմից անգլիացիների պարզորոշապես ռացահայտված կամքին ու ցանկությանը որևէ լուրջ դիմադրություն ցույց չտրվեց։ Օտար տերությունները ցանկության դեպքում կարող էին Սկոթի նշանակման դեմ բողոքի օրինավոր հիմքեր գտնել։ Այդ աստիճանի ազդեցիկ մի պաշտոնում անգլիացու ներկայությունը խախտում էր ինչպես նախկինում գոյություն ունեցած կարգը, այնպես էլ դատական բարեփոխումներին մասնակցություն բերած բոլոր պետությունների դիրքի և ազդեցության հավասարաչափության սկզբունքը։

Մեծ Բրիտանիայի կառավարությունն այդպիսով հող էր նախապատրաստել երկրի գերագույն իշխանությունը փաստորեն իր ձեռքը վերցնելու և միաժամանակ եգիպտական դատարանների գործունեությունը մրցակից օտարերկրյա ամեն մի միջամտությունից կատարելապես զերծելու համար։ Բերինգը Կոյանդերին ասում էր, որ 1894 թ. կառավարությունը լուծարքի կենթարկի խառը դատարանները, եթե նրանց գործունեության երկարաձգված ժամկետի ավարտի կապակցությամբ իր ներկայացնելիք նոր պայմանները տերությունների համեմատության շարժանանան¹⁴։

Անգլիացիների ռացահայտ ամենազորությամբ մյուս գլխավոր խոչընդոտը Եգիպտոսում գործող կապիտուլացիաներն էին, որոնք երաշխավորում էին օտարահպատակների անձեռնմխելիությունն ու տեղական դատարանների իրավասությունից զերծությունը։ Արդարադատության մինիստրության անգլիացի խորհրդական Ջոն Սքոթի իրավասությունները տեղական դատական հիմնարկների վրա տարածումն, ահա, սպառնալիք էր կապիտուլացիաների ռեժիմի համար։ Այդ ռեժիմի աստիճանական վերացման մյուս միջոցը հանդիսանում էր հրապարակումը պարտադիր բնույթ ունեցող այն որոշումների, որոնք եգիպտական կառավարության կողմից մշակվել էին օտարահպատակների համար և որոնք հավանություն էին գտել Ալեքսանդրիայի ատյանի անդամների անգլիացիներին նվիրյալ մեծամասնության կողմից։ Ֆրանսիայի դիվանագիտական ներկայացուցիչ մարքիզ Ռեվերսոն փոր-

ձեւ տեւաբնութիւնների կողմից ընդունված շրջադրականի Դ հավելվածը խմբադրել աշխատեալ, որ օտարաշախտակների համար պարտավորի ղառնան միայն այն վճիռները, որոնք կընդունվեն ատյանի առանց բացառութեան բոլոր անդամների միաձայնութեամբ: Եվ սակայն Ֆրանսիային չհաջողվեց հասնել հավելվածի վերախմբագրմանը: Կոյանդերի խոսքերով՝ «1889 թ. տեւաբնութիւնների կողմից առանց որևէ նախապայմանի Դ հավելվածի ընդունումը եղավ մի մեծ սխալ, որն օտարաշախտակների դեմ անգլիացիների ձեռքը տվեց մի շատ վտանգավոր դէպք»:¹⁵

Եգիպտոսում միջազգային ազդեցութեան վերջին հենարանը Պարտիքի լարշտութիւնն էր: Նրա և Եգիպտական ֆինանսների ստուգման Միջազգային հանձնաժողովի դեմ Դրոմմոնդ-Վուլֆի և Բերինգի կողմից ձեռնարկվեց մի ամբողջ արշավ, որի նպատակն էր ստվերել այդ հիմնարկների նշանակութիւնը:

Օտարերկրյա վարկատուներին Եգիպտոսի մեծագումար պարտքերի և երկրին եվրոպական տերութիւնների ընձեռած հովանավորութեան հետևանքով, եգիպտական ֆինանսների վիճակը անգլիական տիրապետութեան հաստատման ճանապարհի ամենազօղարին տեղամասերից մեկն էր: Այն եվրոպական տերութիւններին հնարավորութիւն էր տալիս պահանջելու տվյալ հարցի վերաբերյալ միջազգային ստուգման անցկացում, ցույց տալու անգլիական վարչական սխտեմի սնանկութիւնը և դրանով իսկ զգալի հարված հասցնելու բրիտանական հավակնութիւններին: Անգլիացի աստիճանավորները հասկանում էին, որ Եգիպտոսի կատարյալ տերերը կարող են մնալ այնքան ժամանակ, քանի դեռ եվրոպական վարկատուները գոհ կլինեն երկրի ֆինանսական դրութիւնից: Հենց այդ նպատակով էլ Եգիպտոսի ռազմական գրավմանը ղուգընթաց անգլիացիները ձեռնարկեցին երկրի ֆինանսական կառավարման հարցում իրենց գերակշռութիւնն ապահովող միջոցառումներ: Կոյանդերի հետ զրույցի ժամանակ Բերինգն ուղղակի ասում էր. «Մենք լրիվ մեր ձեռքն ենք վերցրել երկրի ֆինանսները և հասարակական գործերի միջխտրութիւնը: Վարչակառավարման այդ երկու բնագավառներում, որոնք մենք ամենից կարևորներն ենք համարում, մենք եգիպտացիներից ազնիւ ձեռնահաս ենք ու հենց դրա համար էլ վերցրեցինք մեր անմիջական կառավարման ներքո»¹⁶: Իր հերթին լորդ Նորտբրոկը խոստովանում էր, որ Եգիպտոսի ֆինանսական կառավարման գծով անգլիական կառավարութեան բոլոր առաջարկութիւնների և վերափոխութիւնների արդյունքն «անկասկած պիտի

լինի միջազգային վերահսկողության փոխարինումը Անգլիայի ֆինանսական վերահսկողությամբ»¹⁷։

Սենթ-Ջեյմսի կառավարությունն այդ նպատակով 1884 թ. որպես ֆինանսների մինիստրության կից խորհրդական Նգիպտոս գործողեց էդգար Վինսենտին։ Վերջինս պետք է ինքնիշխան տնօրինել վարչակառավարման ֆինանսական ամբողջ մարզը, ըստ որում նրա գլխավոր առաջադրանքը պիտի լիներ աշխատել կանխելու բյուջեի ամեն մի դեֆիցիտ, որը կարող էր հանգեցնել անգլիացիների համար անցանկալի արդյունքի՝ Միջազգային ստուգող հանձնաժողովի գումարման։

Ձգտելով ավելացնել պետական գանձատան հասույթները, Վինսենտը պնդեց հաստատել նոր հարկեր։ 1888 թ. ժխախտի մշակության հատկացվող հողակտորներն ենթարկվեցին նոր հարկի՝ ֆեզանից նախկին 2,5 եգիպտական ֆունտի փոխարեն 30 ֆունտի շահով։ Բարձրացվեցին նաև երկաթուղային սակերը, փոխադրվող ժխախտի մաքսը և Նեղոսով նավարկության տուրքը¹⁸։

Օրըստօրե ծանրացող հարկերը լրիվ քայքայման մատնեցին եգիպտացի գյուղացիներին՝ ֆելլահներին։ «Հարկադանձման եղանակը հիշեցնում է խզիվ իսմայիլի հռեգույն ժամանակները,—գրել է Կոյանդերը։—Գանձատունը բռնազրավում և համարյա ձրի վաճառում է դեռ չհնձված բերքը, դրանով վերջնականապես քայքայելով հողամշակների բարեկեցությունը։ Նգիպտոսում հողը երբևէ այնքան պարտքերով ծանրաբեռնված չի եղել, ինչպես այժմ... և ներկա վարչակարգի ներքո երկիրը բավականին արագաբայլ դեպի քայքայում է գնում»¹⁹։

Վինսենտի վարած քաղաքականության հետևանքով բացն ու պակասորդը, որոնցով Նգիպտոսը մինչ այդ տառապում էր, 1886 թ. արդեն անհետացել էին պետական բյուջեի հաշվեցուցաններից²⁰։

Հոգավոր միայն այն մասին, որ պետական բյուջեի տարեկան հաշվեցուցաններում պակասորդի բացակայությամբ «Նվիրույալի աչքին փոշի փչվի»²¹, անգլիացիները Պարտքերի վարչության քննիչներին հնարավորություն չէին տալիս գործերի իսկական վիճակին հաղորդվել այն նահանգներում, որոնց հասույթներն ուղղակի գանձատուն էին մուտքագրվում և ապահովում պետական պարտքերի տոկոսների վճարումը։ Պարտքերի իրավիճակից օրենքը Պարտքերի վարչությանը իրավունք չէր տալիս վերահսկել գավառներում եգիպտական կառավարության գործողություններն ու դրանով իսկ դուռ էր բաց անում տարբեր շարաշահությունների առաջ։ Վարչության ոռոս լիազոր-քննիչ իշխան Մու-

րուզիի առաջարկութիւնը՝ վարկատուների շահերն ապահովող հասույթների գլխավոր աղբյուր շորս նահանգներում վերահսկողութիւն սահմանել կառավարության գործողութիւնների վրա, շարժանացավ եվրոպական մյուս տերութիւնների լիազօր-քննիչների պաշտպանութիւնը²²։ Այդ տերութիւնների կառավարող շրջանները նախընտրեցին բավարարվել Եգիպտոսի ֆինանսների վերաբերյալ անգլիացի խորհրդականի կողմից հանուր հասարակութիւնն ի գիտութիւն պատրաստվող և հրապարակվող փայլուն հաշվետվութիւններով, հոգ չտանելով այն մասին, որ այդ հաշվետվութիւններն ինչքանով էին համապատասխանում երկրի տնտեսական իրավիճակին և խորամուկ լլինելով այն իսկական հնարքներին, որոնք տեղական կառավարութիւնը թույլ էին տալիս տարեկան բյուջեն ելքի ու մուտքի մարզերում հավասարակշռել։

1886 թ. անգլիական ֆինանսական խորհրդատուն Պարտքերի վարչութիւն համաձայնութիւնն ստացավ այն հարցում, որ ինչպես արտադրական պարհակների՝ վարձու աշխատանքով փոխարինման, այնպես էլ նավթային աղբյուրների որոնման և այլ համանման գործերի համար ծախսումներն օրինական ճանաչվեն, հակառակ այն իրողութիւն, որ դրանք կատարվել էին առանց կանխօրոք տերութիւնների հավանութիւն ենթարկվելու²³։ Նմանօրինակ որոշումները բացահայտորեն դեմընթաց էին Պարտքերի վարչութիւն կանոնադրութիւնը, որի հիմամբ եգիպտական ֆինանսիստներին չէր թույլատրվում իրենց հայեցողութիւնամբ տնօրինել ընթացիկ տարվա հասույթները, այն էլ առանց տերութիւնների համաձայնութիւնը կանխապես ստանալու։

Անգլիացիների պնդումով Պարտքերի վարչութիւնը մեքթեց ֆրանսիացի քննիչի առաջարկութիւնը, որի համաձայն վարչութիւն անդամները պետք է վերահսկողութիւն սահմանեին եգիպտական կառավարութիւն կողմից հասարակական աշխատանքների համար նախատեսված գումարների, ինչպես նաև Սուեզի ջրանցքի մաքրման համար հատկացված 250 հազար եգիպտական ֆունտի ծախսումների վրա²⁴։

Այս բոլոր փոփոխութիւնների և որոշումների նպատակն էր թուլացնել Պարտքերի վարչութիւն ազդեցութիւնը որպես Եգիպտոսի ֆինանսների վերահսկողութիւն ենթարկող միջազգային հաստատութիւն։ Անգլիացիները հնարավորութիւն ստացան առանց հակակշռի տնօրինել Պարտքերի վարչութիւն գանձարկղ մուտքագրվող գումարները։

Ռոտշտեյնը ճիշտ է նկատել, որ 1886 թ. արդեն «արշավ սկսվեց քննիչներին ամբողջովին ճանապարհից վերացնելու համար»²⁶։ Սրբազան Հենրի Դրոմմոնդ-Վոլֆը հայտարարեց, որ «Պարտքերի վարչությունը բոլորովին հակընդդեմ է գործում ֆինանսական խորհրդականից ուղղութիւն ստացող կառավարութեան ֆինանսական քաղաքականութեանը։ Պարզ է, որ անհրաժեշտ է վերանայել այն հարցը, թե ինչքա՞ն նպատակահարմար է այդպիսի լիազորութիւններ տալ օտարերկրացիների մի խմբի...»²⁶։ Իսկ 1890 թ. դեկտեմբերին Ալեքսանդրիայում լույս տեսնող և ոչ առանց հիմքի Եգիպտոսի իսկական կառավարողների խոսնակը համարվող «Դի էշիպշըն գաղետում» հրապարակվեց մի հոդված, որ ուղղված էր ընդհանրապես Պարտքերի վարչության գոյութեան ու գործունեութեան դեմ²⁷։

Մեծ տերութիւնների գրաված դիրքը բնավ էլ չխանգարեց անգլիացիների հետագա գործողութիւններին։ Քանի զեռ գոյատևում էր Ռուսաստանի համաձայնութիւնը Գերմանիայի և Ավստրո-Հունգարիայի հետ, այդ տերութիւնների ներկայացուցիչները Պարտքերի վարչության գործունեութեան միջոցով ընդհուպ մինչև 1887 թ. հակադրում էին Եգիպտոսում Անգլիայի հարաճող ազդեցութեանը։ Ենչակ միութեան ստեղծմամբ իրավիճակը փոփոխվեց։ Գերմանիայի և Ավստրո-Հունգարիայի ներկայացուցիչները եգիպտական հարցերի նկատմամբ շեղոք դիրք զբաղեցին, բավարարվելով իրենց փոխատվութիւնների տոկոսները կանոնավորաբար ստանալով։ Ավստրո-Հունգարիայի դիվանագիտական ներկայացուցիչն իր ֆրանսիական պաշտոնակցին հայտնում էր, որ իր կառավարութիւնն իրեն կարգադրել է չբարձրացնել այնպիսի հարցեր, որոնք կարող են տհաճ լինել Անգլիային և որ իրեն հրահանգված է գործել միայն ու միայն լոնդոնի ներկայացուցչի հետ համախորհուրդ²⁸։ Իսկ Պարտքերի վարչութիւնում Գերմանիայի լիազոր բարոն Ռիխտգոֆները իշխան Մուրուզիի այն դիտողութեանը, որ վարչութեան նշանակութիւնն օրըստօրե ընկնում է, պատասխանում էր. «Ի՞նչ անել, երբ կարգադրութիւն ունես թիկունք տալ անգլիացիներին. անհրաժեշտ է բառացիորեն հետևել կարգադրութեանը»²⁹։

Միջերկրական ծովի շրջանում ստատուս քվոն պահպանելու վերաբերյալ համաձայնութեան հիմամբ միջերկրածովյան ափերին վերաբերող բոլոր հարցերում իտալիան, ենչակ միութեան երրորդ անդամը, նույնպես թիկունք էր տալիս Անգլիային։

Վարչութիւնում Ռուսաստանի և Ֆրանսիայի ներկայացուցիչները, բախվելով իրենց ձայնը Անգլիայի բոլոր առաջարկութիւնների օգտին տվող մյուս չորս տերութիւնների ներկայացուցիչների մեծամասնական խմբին և ուրեմն չկարողանալով ոչինչ անել՝ հարկադրվում էին միասալ ընդհանուր կարծիքին:

Այսպիսով, Եգիպտոսում իրենց դիրքերն ամրապնդելու նպատակով անգլիական իշխանութիւններին հաջողվեց հաղթահարել եվրոպական տերութիւնների հակադեցութիւնը՝ երկրում գոյութիւն ունեցող միջազգային հաստատութիւնների իրավունքները սահմանափակելու և ներգործութիւնը թուլացնելու, նրանց կազմում անգլիացի աստիճանավորներ տեղագրելու և դրանով իսկ այդ վարչութիւններն իր ազդեցութեանը ենթարկելու ճանապարհով:

Արդեն 1880-ական թթ. վերջին Անգլիային հաջողվեց ոչ միայն ամրապնդել իր դիրքերը Եգիպտոսում, այլև անգլիական և ընդհանրապես եվրոպական հասարակական կարծիքը նախապատրաստել այն մտքին, որ Նեղոսի գրավումը երկարատե է լինելու:

С. А. АРУТЮНЯН

УКРЕПЛЕНИЕ АНГЛИЙСКОГО ГОСПОДСТВА В ЕГИПТЕ В 80-ых ГОДАХ XIX ВЕКА

Резюме

В 1882 году британские войска оккупировали Египет. В целях укрепления своих позиций и установления неограниченного господства Англии необходимо было преодолеть противодействие европейских держав, выражавшееся главным образом в деятельности существующих в Египте международных учреждений.

В статье сделана попытка показать, как путем ограничения прав этих учреждений, ослабления их влияния к концу 80-ых годов XIX века, англичанам удалось не только укрепить свои позиции, но и подготовить европейское общественное мнение к мысли о продолжении оккупации на длительное время.

- 1 Н. А. Иванов, История национально-освободительной борьбы народов Африки в новое время. М., 1976, с. 189.
- 2 Colvin A., The Making of Modern Egypt, L., 1906, p. 202.
- 3 Архив внешней политики России Историко-дипломатического управления Министерства иностранных дел СССР. Москва (*шунгъ-бунд* АВПР), ф. «Политархив», оп. 482, д. 825, л. 41, Кояндер-Гирсу. 9/IV. № 16.1887, Каир.
- 4 АВПР, ф. «Политархив», оп. 482, д. 825, л. 61, Кояндер-Гирсу. 21/V. № 23. 1887, Каир.
- 5 АВПР, ф. «Политархив», оп. 482, д. 827, л. 96, Кояндер-Гирсу. 25/V. № 29. 1889, Каир.
- 6 АВПР, ф. «Политархив», оп. 482, д. 826, л. 99, Щеглов-Гирсу. 7/VII. № 31. 1888, Каир.
- 7 *шунгъ-бунд*, р. 100.
- 8 АВПР, ф. «Политархив», д. 828, л. 30, Кояндер-Гирсу, 21/IV. II 11, 1890, Каир.
- 9 АВПР, ф. «Политархив», д. 829, л. 21, Кояндер-Гирсу. 11/II. № 10, 1891, Каир.
- 10 *шунгъ-бунд*, р. 23.
- 11 *шунгъ-бунд*, р. 27.
- 12 *шунгъ-бунд*, р. 30.
- 13 АВПР, ф. «Политархив», д. 828, л. 78, Кояндер-Гирсу. 1/V. № 17, 1890, Каир.
- 14 АВПР, ф. «Политархив», д. 829, л. 43, Кояндер-Гирсу, 18/II. № 13, 1891, Каир.
- 15 АВПР, ф. «Политархив», д. 829, л. 133, Кояндер-Гирсу, 18/VII. № 33, 1891, Каир.
- 16 АВПР, ф. «Политархив», оп. 482, д. 826, л. 82, Кояндер-Гирсу, 4/VI. № 25, 1887, Каир.
- 17 *Убурбунд* рунт. Ротштейн Ф. А. Захват и закабаление Египта. М.—Л. 1959. с. 215.
- 18 АВПР, ф. «Политархив», оп. 482, д. 827, л. 145, Кояндер-Гирсу, 24/IX, № 49. 1889, Александрия.
- 19 АВПР, ф. «Политархив», оп. 482, д. 827, л. 167, Кояндер-Гирсу, 14/XI. № 55, 1889, Каир.
- 20 АВПР, ф. «Политархив», оп. 482, д. 827, л. 150, Кояндер-Гирсу, 24/IX. № 49. 1889, Александрия.
- 21 АВПР, «Политархив», оп. 482, д. 827, л. 191, Кояндер-Гирсу, 12/XII. № 16. 1889, Каир.
- 22 *шунгъ-бунд*, р. 196.
- 23 АВПР, ф. «Политархив», оп. 482, д. 825, л. 23, Кояндер-Гирсу, 5/III. № 11. 1887, Каир.
- 24 АВПР, ф. «Политархив», оп. 482, д. 825, л. 27, Кояндер-Гирсу, 12/III. № 12. 1887, Каир.

- 25 Գ. А. Ротштейн, Захват и закабаление Египта, М.—Л., 1959, с. 220.
- 26 Մելքրեբում րոտ՝ Յ. Ա. Տիստակինի նշված աշխատության, նույն տեղում, էջ 220.
- 27 АВПР, ф. «Политархив», д. 828. л. 199. Коядер-Гирсу, 25/XI. № 50, 1890, Каир.
- 28 АВПР, ф. «Политархив», д. 828, л. 42, Кояндер-Гирсу, 21/IV. № 12, 1890, Каир.
- 29 նույն տեղում: